

Perjanjian Berdarah: Blackrock, Khazanah, GIP, MAHB, EPF

Kerajaan Malaysia juga telah menswastakan sebanyak 39 lapangan terbang di Malaysia di bawah kawalan GIP, sebuah anak syarikat milik penuh Blackrock, antara penaja utama jentera perang U.S.-Israel di Gaza. Pengambilalihan MAHB oleh Blackrock dipimpin oleh konsortium yang melibatkan GLC termasuk Khazanah dan EPF/KWSP. Perjanjian ini menjadikan aset negara Malaysia sebagai sumber keuntungan syarikat zionis.



Blackrock merupakan syarikat pelaburan pro-zionis terpengaruh di Malaysia, mempunyai pelaburan sebanyak RM24.7 bil dalam 100 syarikat tempatan.

Institusi pendidikan di Malaysia dan syarikat pembekal senjata Zionis juga bekerjasama dari segi penyelidikan, perkongsian kepakaran, dan penawaran peluang kerjaya

- Universiti Pertahanan Malaysia dan BAE Systems

UPNM merupakan rakan strategik BAE systems, yang menyumbang senjata phosphorus putih, artileri dan missile berpandu kepada rejim zionis
- Universiti Nottingham Malaysia dan BAE Systems

Universiti Nottingham Malaysia juga mempunyai hubungan bersama BAE systems melalui Future Graduates Program dan kolaborasi lain.

Pameran NATSEC Asia 2024

Universiti Pertahanan Malaysia (UPNM), Universiti Malaya, Universiti Kebangsaan Malaysia (UKM), Universiti Putra Malaysia (UPM), Universiti Sains Malaysia (USM), dan Universiti Teknologi Malaysia (UTM) terlibat dengan Pameran Natsec 2024, yang menjemput dan mempromosikan pembekal senjata zionis seperti Lockheed, Leonardo, dan BAE Systems.

Apakah tindakan yang perlu diambil?

Terus memberikan tekanan kepada kerajaan Malaysia.

Dedahkan keterlibatan kerajaan dan institusi Malaysia dengan syarikat pro-zionis. Tolak sebarang bentuk normalisasi dengan jentera perang A.S.-Israel. Sebarkan kesedaran dan berikan tekanan mengenai isu ini melalui media sosial, protes awam, forum dan tindakan langsung (direct action).



bit.ly/gegarsignup

GEGAR sedang membina pasukan yang lebih besar untuk melancarkan aksi langsung (direct action) terhadap syarikat pro-zionis melalui gangguan (disruptions), piket, dan taktik protes kreatif yang lain.

Kami memerlukan aktivis yang berani, komited, dan berbakat untuk menyokong misi kami dalam mencabar industri perang A.S.-Israel.

Berminat? Sertai kami!



Ikuti media sosial kami.

- bit.ly/gegarwhatsapp
- t.me/g3gar_4merika
- @gegaramerika
- G3G4R_official
- gegar.org



APAKAH IMPERIALISME?

MEMAHAMI IMPERIALISME, HUBUNGANNYA DENGAN GENOSID DI PALESTIN, DAN PERANAN MALAYSIA DALAM SISTEM IMPERIALIS

George Habash, revolusioner sosialis
dan pengasas Barisan Pembebasan
Popular Palestin

Imperialisme, pemusnah utama dunia

Sistem imperialisme merupakan **sejenis penjajahan moden** dimana kuasa-kuasa Barat seperti Amerika Syarikat, Britain, dan Jerman menguasai sistem ekonomi dan politik negara Dunia Ketiga di Asia, Afrika, dan Amerika Latin melalui **pemerasan sumber, pencerobohan ekonomi, dan kekerasan ketenteraan**.

Mencetuskan peperangan dan ketidakstabilan untuk meraih keuntungan

**Palestin, Yaman,
Lubnan, Syria, Iraq,
Libya, Somalia, Sudan**

Menjarah sumber asli
dan tenaga buruh
dengan murah melalui
sistem ekonomi dan
perdagangan
tidak adil

**India, Haiti,
Filipina, Kongo**

Mengenakan sekatan
dahsyat untuk jatuhkan
persaingan dari
ekonomi negara
membangun

**Iran, Venezuela,
Kuba, Cina**

Di bawah sistem imperialisme, Zionisme memainkan peranan penting sebagai pengkalan pengaruh Amerika di rantau Asia dan Timur Tengah.

Zionisme merupakan ideologi rasis dan supremasis yang ditubuhkan penjajah British bagi memecahbelahkan Timur Tengah, bermula dengan Deklarasi Balfour. Selepas Perang 1967, Israel berfungsi sebagai **proksi imperialis Amerika** untuk mendominasi Timur Tengah, menjatuhkan ekonomi Arab bagi kepentingan kapitalis Amerika, dan mendapatkan akses kepada sumber seperti minyak.

Perhubungan antara zionisme dan imperialisme menurut pejuang pembebasan Palestin



Diadaptasi dari Anwar Abu Taha, ahli Jihad Islam Palestin (PIJ)

**Sebagai rakyat Malaysia,
retorik pro-Palestin tidak cukup.**

Kerajaan Malaysia masih bersubahat dengan jentera perang A.S.-Israel dengan pelbagai cara:

Latihan RIMPAC, Permainan Perang

Setiap dua tahun, Tentera Laut Diraja Malaysia (TLDM) mengambil bahagian dalam permainan perang ketenteraan (RIMPAC) bersama Amerika dan sekutunya Israel.

Pada 2022, Malaysia menyertai latihan RIMPAC dengan Israel dan Amerika, hanya beberapa hari sebelum Israel melancarkan **Operasi Breaking Dawn** keatas Gaza. Pada 2024, tentera laut Malaysia turut menyertai latihan RIMPAC ketika Israel sedang mengebom Palestin, Lubnan, Yaman, dan Iran.



NATSEC Asia, Pameran Maut

Pameran senjata dwitahunan anjuran Kementerian Pertahanan Malaysia dan Defence and Security Services Asia. Pameran Natsec pada 2024 menyaksikan pemeteraian kontrak dan MoU sebanyak **5 trillion USD dengan syarikat-syarikat pembekal senjata termasuk syarikat zionis seperti Lockheed Martin, MBDA, Bae Systems, dan Leonardo.**



Pelabuhan Kelang, Pangkalan Pembunuh

Sebagai sekutu rapat Amerika di Asia, imperialis Amerika menggunakan Pelabuhan Kelang dan Selat Melaka sebagai pangkalan strategik dalam peperangan mereka di Timur Tengah .

Pada 2024, Kementerian Pertahanan Malaysia menyambut kedatangan U.S.S. Abraham Lincoln ke Pelabuhan Kelang, kapal perang sama yang digunakan Amerika untuk **mempertahankan kepentingan Israel di Laut Merah** dan **menyerang pejuang Ansarallah yang melawan zionis Israel di Yaman**.



Sejak 9/11, sebanyak 4.5 juta nyawa di Palestin, Syria, Afghanistan, Pakistan, Iraq, dan Yaman telah terkorban akibat peperangan dan campur tangan Amerika di Timur Tengah.

Pada masa sama sebanyak **\$14 trillion USD** telah dilaburkan dalam syarikat industri peperangan Amerika seperti **Lockheed Martin, Boeing, General Dynamics, Raytheon, and Northrop Grumman.**



Dimanakah kerajaan Malaysia berada dalam sistem imperialisme ini?

Sebagai sekutu Amerika Syarikat terdekat di rantau Asia-Pasifik, Malaysia antara negara utama berkerjasama dengan kerajaan dan tentera imperialis Amerika. Sistem ekonomi Malaysia juga bergantung kuat kepada **Pelaburan Langsung Asing (FDI)** menjadikan kita terus tunduk kepada pasaran global Barat dan institusi kewangan Barat. Akibatnya, **kebanyakan syarikat-syarikat dan institusi Malaysia mengekalkan hubungan material dengan korporat dan entiti ketenteraan Barat yang menyokong rejim zionis dan membiayai pembunuhan beramai-ramai di Palestin.**